

le visage, Ce qui est vne marque de leur Jeune superstitieux, quoy qu'il aportat po⁹ excuse qu'il le faisoit faute d'autre Couleur po⁹ se peindre le visage mais voyant qu'il estoit le seul a qui on n'accordoit pas cette grace quoy qu'on l'eut accordée a son frere, et a ses sœurs a qui il ne cedit point d'ailleurs po⁹ l'assiduité a venir prier Dieu a la Chapelle, vn matin il se peignit le visage de blanc [a sa Cabane] et s'adressant a son pere; Je me moque luy dit il de tous ces petits genies que vo⁹ me faictes chercher, ie veux obeir uniquement a la robe noire. qui me defend ce que vo⁹ m'ordonnés. Il me vint en suite demander le Baptisme que J'accorday a sa perseuerence.

Le vendredy saint la plus part de nos Chrestiens baisèrent et adorent la Croix, les plus feruens en emporterent chés eux chascun vne petite que j'auois benite po⁹ la leur donner, et a fin qu'elle leur seruit Coe d'image deuant laquelle ils fissent leurs prieres.

Je n'ay pas de peine d'introduire parmy eux les jeunes de l'Eglise puis q⁹ ce leur est vne Chose si ord^{re}. de Jeuner que quiquonque parmy eux ne jeune pas de temps en temps il passe po⁹ vn mechant ho^e. aussi J'ay creu deuoir sanctifier leurs superstitions mesmes, et d'un jeune Criminel en faire vn jeune meritoire. Je leur ay enseigné de jeuner le caresme, et ie les ay aduertis que ce n'estoit pas po⁹ voir quelq⁹ petit genie mais po⁹ mater la Chair, et po⁹ faire penitence des pechés qu'ils commetoient Contre la diuine majesté.

Tous nos Chrestiens ont vne grande affection a leur chapelet. Lors qu'on leur a faict present de quelque Chose ils ne la gardent pas ordinairement, mais ils la donnent a d'autres il n'y a que po⁹ la Chapelet qu'ils ne gardent pas cette coustume. Vn jeune ho^e. dans la Chaleur du Jeu, se laissa emporter a jouer le sien, et il le perdit, il en fut